



甌鉢羅室書

畫過目攷

王素



卷緒丁酉秋日

開離

三韓震厚題



京都隆福寺  
文奎堂藏板

序

物莫不聚於所好非物聚之心聚之也心苟好是則必遐搜博覽喜其得而懼其失故隨得隨聚亦愈得愈聚久之向所不得者亦因所得而來聚然而物也瀾漫天地流著古今非俟好者而後示之特遇好者而後知之而後求之其不好者熟視若無覲也此凡事皆然而古之人精耽道術則聚之於心遂筆之於手彙其說而傳之其人歟若庾元威論書論畫布在藝林共諸同好也李氏爲通州巨族鑑賞名家烜赫是藏人百其喙吾友均湖少嗜翰墨長則彌精喜新之所得懼昔之所失故見夫名人手蹟必詳攷其淵源審其筆墨定其真僞大率以名家爲主兼及其師弟子孫不憚煩複若經史金石攷核名家高僧淑媛所見無不采錄研心臆

歐鉢羅筆書畫遺目攷

卷一序

一

久獲觀日多編次成帙出爲鑒定所好者率多同心名曰過目攷以其編所見者誠不能該備無遺而一代聞人名蹟集成一冊亦略可觀矣有同好者覽之宜如何羨其眼福哉均湖年方鼎盛學業正遙以一心之好而所聚如是則凡理之可以好而聚者其知所以聚之矣夫書畫業之一也鑒書畫亦學之一也君其然此言乎否乎

光緒乙亥建元首夏通家世弟阜保蔭方拜手

予同年岷縣樓廣侯給諫嘗言其嫗家通州李均湖司馬好古眞  
鑒予顧未之識也已卯歲視學粵東有前輩大城劉樹君觀察喜  
搜金石窰漆珠玉犀象曾以千金市蘭亭搨本搜奇誌喜聞者蒙  
之而於書畫獨推唐宋諸大家以絹素朽敗千載難逢矣予謫陋  
自慚翫物素戒樹君旣以搜羅鳴粵東其遊知交多勝流俠客然  
未嘗有言及均湖者豈均湖不求知於人故人之知之者希邪或  
如老氏云知我者希則我貴矣均湖特持此以自勵不肯阿曲徇  
人則時以自鳴其得意焉耳壬午歲試畢將還京雅集寅僚均湖  
在焉詢其好古眞鑒示觀書畫過目攷一編不言乎唐宋金元乃  
專紀勝國以後及近世諸家蓋以所去未遠淘洗功深不至魚目  
混珠而又識及所見之物考核詳實足徵文獻而成信史其爲好  
歐羅羅筆畫過目攷

卷一序

二

之深且篤者也均湖年甚少富收藏親舊皆博雅君子商榷無遺  
又何必如樹君之喜搜金石窰漆珠玉犀象以分其所好哉異日  
所蓄益多所見益繁所爲攷益博而益精前明文項諸人若可跋  
而及矣均湖倘歸京遇廣侯當以予言訊之其必有以意領也山  
左馮爾昌友文拜書簡端

我生孤寒只一介讀書每虞耳目隘二十壯遊入長安始覺心胸  
拓境界畫家氣韻出於天書契形聲取諸夫劇憐手拙弗能書更  
兼眼昏不識畫巧技空傳玉楮雕善欺恐比黃柑賣論畫不分南  
北宗論書罔識唐宋派目迷五色空耳食一生常被名流怪敢云  
口裡有雌黃且喜胸中無芥蒂持節東都已三年恆守官箴與家  
誠造士每先別良莠衡文頗可辨秕稗方將藥籠蓄葠苓敢以絲  
麻棄菅蒯才疏妄思爲世用性懶早欲謝天械閑邪閱閭稱名族  
議論縱橫氣豪邁胸襟每覺星宿羅腹書眞宜日中曬競說中耶  
識爨桐頓使須彌盡納芥末和抱璞重瑤璣風胡相劍出鑑韞牙  
琴幸遇鍾期賞奇石每下米顛拜攀頭時時悟靈機斂股細細看  
倒薤甌鉢羅室有眞鑑與古名家同沆瀣小印每鈐特健藥奇珍

甌鉢羅室書畫自跋

卷一 詩

一

恐負清淨債雲煙過眼輒著錄如見下筆風雨快清悶直欲過雲  
林金簡何異發石簣恍入五都貨紛羅如瀉三峽勢澎湃校獵長  
驅木葉山研營直抵珍珠寨扶搖欲追九萬鵬釣餌常持十五犗  
得鼎輒能辨眞贗擲米應難弄狡獪欲使姓字永流傳常恐絹素  
多朽敗宏獎不惜齒牙利割裂應憐羽毛鏤金螻玉題古錦贈前  
輩風流不少殺每患時輩無眞賞要與前賢通營効笑我自慚才  
力薄欲往從之甚矣儘見獵心喜亦徒然轉覺技養如爬疥更以  
巧辨藏其拙玩物喪志素所戒詎知心病入膏肓勿藥安能得小  
瘥見君豪氣逼人來久病猶能起疋療桐陰新論多定評竹朋鑑  
影亦嘉話君書晚出尤精嚴卓識獨能辨緯繡古人已往不可作  
令我臨風發深喟三韓遠播風雅譽二陸同居參佐屨乘風破浪

會有時大海揚帆濟所屆

光緒二十年夏六月歷城張英麟振卿拜題於蟠榆籜

歐鉢筆畫過目效

卷一詩

二

次錄二十平夏大民撰於英麟振卿拜題於蟠榆籜  
會會到大齋謝對齋所屆

自序

書畫名家自晉迄元盛矣世傳特罕僅於著作諸編存姓氏里居讀者類同耳食求其真蹟寓目難矣哉至明則祝希哲聶壽卿淵源承旨實乃闢發石軍莫秋水黃石齋悉滌蘇米積習自求精謹文衡山沈啟南形貌雖殊同一鼻孔出氣仇實父唐六如彙萃天元兼通算除界畫董香光書接平原畫追北苑鼎能冠世畢竟天人凡此各家允爲書畫嫡傳餘則自矜所尙好古之家久經論定迨國朝肇興名家蔚起書則姜汪何陳畫則四王吳惲各標高譽而能事畢矣他如書家之王翦林張涇南劉石庵畫家之楊西亭黃尊古董孚存一時繼起爲世所推爰及中葉則有詒晉齋鐵冶亭王禹卿方循遠黃穀原戴鹿牀不可枚舉而繆篆則又有錢

甌鉢羅書畫過目攷

卷一序

一

獻之洪又蛭孫季述分隸則桂未谷伊墨卿黃秋奩兼篆隸者則鄧完白陳曼生其兼行楷篆隸者則翁蘇齋蔡生甫人物則陳章侯改伯蘊花鳥則華秋岳李復堂兼人物花鳥者則金壽門費子若白描則萬年少寫照則禹春齋指墨則高韋之左腕則高雲阜乾皴則李茶園水墨則錢籀石至於小楷章草飛白鐘鼎梅蘭博古雁螭鬼趣各有專家亦足前後媲美馳聲藝院焉故有名人法書攷以紀書也畫徵錄墨林今話以紀畫也自時厥後旣乏鉅製之邁前賢更稀劄記留續後起偶見近人手蹟反無從而攷核之抑亦憾事矣余性耽書畫幼已成癖每逍遙於古肆討論於老成洵知真僞之分全在搜羅之富也因就正於景劍泉閣學其潛會筌集侍御協均探索兩家秘笈聆奇瞬美曷且不疲夜分就枕展

轉精思更與心泉長老明基結方外緣並得其所資益三十年精  
力所聚矇瞽頓開猶移突釋矣辛卯壬辰從戎關外凱旋而後瑟  
居癡踞聊浪鮮懼欲求賞心悅目之品不可得而見焉偶檢行笥  
得曩時所輯過目攷一編詳加釐定自慚躁妄益滋愧慙然而酷  
嗜微忱未肯遂棄重爲增輯復添百五十家而疇昔所見憶有未  
確者刪之重見疊出者更之意在簡潔事每闕失况我 朝文治  
光昌卓越前代書畫流傳儼爲不朽功業名公鉅卿靡不收之自  
足貴也而鄙俗之子市井之徒伎倆紛歧朝得皮相暮僞託名贗  
鼎層出見者昧矣夫聞諸緒論猶不足資攷證僅專求筆記間又  
烏能辨眞僞乎是以文義歲月行款題跋祇期明晰罔煩醜縷竊  
幸明末迄今流風未久尙易鑑評工於審定之家觸手延睇自立  
甌鉢羅筆書畫過目攷

卷一 序

二

判焉彙茲一編分爲四卷以王公宗室冠首名媛釋道附末凡著  
錄者則千家未滿謹誌眼福之緣心焉嚮往喜良朋之共賞聊勝  
雲煙空過耳若謂鑑別之助則掛一漏萬固難免博雅君子所騰  
笑也已

光緒二十年甲午伏日李玉棻貞蕤識於瀋陽禊祿館



題詞

吳縣潘曾紱 紱庭

盛時書畫喜新編法眼公然屬少年老我謬居狂賀監憐才應許  
李青蓮

海王邨裏話前因羣從交遊誼倍親 數年前與君兄李村菊人每遊古肆 鑑得冰清  
眞玉潤老齡原不媿傳人 卷中老友張司空吾鄉近時書畫傳人七十外自號老齡君其壻也

同邑劉湖 晴浦

村學何能論鑑藏祖孫書畫一編詳 堂伯純齋公堂姪雲棨皆入卷中 媿無妙句

酬風雅好古從來重梓桑 君家四世皆工鑑賞

秀水張熊 子祥

篋裏藏名蹟編中盡古人才華盛 昭代筆墨有傳薪南北蒐羅

歐鉢羅室書畫過目致 卷一 題詞

富朋儕鑑別眞羨君多慧業愧我寫繁春 時以所畫三香圖小幅爲贈

固始吳元炳 子健

季雲都轉竹朋守更識君家司馬賢他日合將三李刻叢書載得

鑑藏編 李季雲都轉有愛吾盧書畫記李竹朋太守有書畫鑑影

傳薪克紹辨源流過眼琳琅筆下收羨煞鮑邱風雅客歐鉢羅室

著春秋

長白文夔 龍伯

書畫摩挲六十年井蛙自笑說觀天輸君過目都成攷算得功臣

與昔賢

眼界眞同福分寬閑邪門第久瞻韓不期萍聚關山外老我棲遲

校字完

諸城王志修 竹吾

何須更泛米家船  
風雨青鐙手自編  
賴有生花一枝筆  
不教過眼化雲煙

瓜田論畫先徵錄  
老鐵評書但有詩  
讀罷斯文更遙想  
月明人遠

冶春時 君將從  
戎東征

甌鉢羅室書過目攷

卷一 題詞

二

題跋

是編錄出不商於名公鉅卿而商於方外人蓋因明基有專嗜焉  
展讀一過恍與古名蹟相對時也卷中所收五百餘家過目之品  
二千有奇且錄及明基所藏尙以拙鑑爲不謬也所短者 國初  
遺老宜搜羅補入近時作手亦有可採明基願供一簣之助云時  
光緒丁丑臘八日松筠庵僧明基呵凍和南

韻湖恆言書畫之學年俱進鑑定之功酷嗜則精殆於古名蹟  
有深癖者耶此編見於蓮西齋中讀竟已漏盡時碧天如洗霜氣  
襲人欲索主人飲紅日三竿吾將訪韻湖藉醜顏而扣其所傳傳  
之於吾身焉弟連成拜讀

甌鉢羅者釋語青蓮花也以顏雅構蓋取君家太白之意時當春  
甌鉢羅書畫過目效

卷一 題跋

一

莫道出潞河授館是椽窗竹折籜海棠苞把酒訴衷縱談輒曉  
未覺留連旬日買棹言別承以汪退谷大楷書冊戴鹿牀畫冊見  
貽並示所輯過目效一編展讀一過搜奇誌好眼博手勤有如是  
耶憶舅氏陶鳧老紅豆樹館書畫記擬供校刊之役風塵鞅掌未  
獲從事不禁觸我涓陽之感也第此編方六百家寓目隨編詮次  
亦未卒業不知與紅豆樹館孰爭先而出哉姻愚兄潘爵書誌

昔日學書池水盡墨畫被至穿力行之功此焉最古青年弄筆皓  
首成名以不朽之功業託於楮素傳之無窮又必賴鑑賞以定之  
藉紀載以永之古今來莫易其說也今余生也晚未獲聞名賢緒  
論而日事翰墨未嘗有倦容恐學之日短空自成癖不足爲斯道  
之傳與誦大集靡不畢見心追古往能無三嘆清泉符翁謹識

隨筆敘記絕不經意簡潔得宜攷核是實世傳論書畫諸編尙鮮此體例專舉所見者輒錄登之不濫不遺具見手眼俱空而鑑賞之眞也戊子新秋日華陽姻世愚弟卓椿拜讀於竹浪齋

辛卯伏日晨起盥漱薰風不來火雲如爍汗淫背下檐坐披讀過目攷一編心曠神怡恍與古人晤對不啻冰壺濯魄也至於攷核精嚴評論的確語不欺世好無所私何怪鑑賞家而多傾心焉如卷中彭竺里張兔公高固齋楊水心劉雲棊李白樓皆久未攷悉今得釋然矣噫近時淺學之流假好古爲風雅輒購唐宋贗鼎其藏可鄙其愚良可憫哉是編輯自國初眞本僞作自有明證願付手民慎勿自秘俾初學家各存一冊朝夕研尋其啟悟之功胡可量乎錢唐姻世愚弟江清驥頤甫拜讀於宜南虎坊橋寓廬

歐鉢羅室書畫過目攷

卷一 題跋

二

時年七十有六

甲午夏日庶與先生同客藩陽戎次以論古相契合蓋余於鑑賞之道亦稍窺其藩籬而先生審定之功遠過於庶自當以師事之暇時出示過目攷四卷起明末迄國朝而並世之人不與焉其中攷覈精詳鑿鑿可據既不減前明張青父清河書畫舫已而前賢名迹賴以不湮尤可與近世李竹朋書畫鑑影共傳不朽後之覽者不獨論世可以知人而神遊目想恍若置身藝林將有過於空濛寂歷之鄉而相與欣賞也已懷甯陳衍庶昔凡謹跋

韻湖司馬自髫齡好古善鑑咸與當年諸君子遊如景劍泉阜蔭方曾笙巢均折節訂交引爲畏友此卷積三十年眼福攷核精確每一展帙儼與名蹟相晤對直同此癖幸多砥礪之功皆屬過眼

雲煙不若君之有心哉讀畢緘還書此以誌嚮往甲午重九日三  
韓延暄旭堂拜讀於靜安莊梨雲山館

書畫不易鑑鑑亦不易盡精上追於古下瞰於今總恃鑑賞者代  
有其人然或矜富貴以烜赫或乘伎倆以市利或手澤流傳而每  
自輕或雲煙過眼而莫所覺書畫之變境固不可計數矣少時輒  
喜書畫憶昔家藏當東河之變漂沒洪濤爲憾事至入仕籍所識  
鑑賞家如李山農觀察宗岱以師侍之宮子行明府本昂以友畏  
之他如書畫家汪執民明府昉張菊如廣文士保相與討論搜羅  
甚鮮丙戌解組歸里訂盟於均湖司馬晴窗滄茗雪夜圍爐論古  
評今頓覺有悟長女端徽初學繪事授以參究古法又以吳梅村  
句似能不能得花意鋪章况之長子濟斌又學品評古玉于君前  
歐鉢羅筆書畫過目攷

卷一 題跋

三

一門景仰不以瑞爲門外漢見黜迷出所輯過目攷一編洞參宗  
旨探討淵源喜真鑑之有人亦書畫之際遇近聞同人請付手民  
藉傳人而傳己幸勿自祕庶不負三十載編輯苦心兼可求益于  
大雅云爾乙未春暮鐵嶺兄增瑞芝田讀竟拜誌于餘園

例言

一紀書畫諸編莫精於佩文齋書畫譜然所詳者前代至詳紀我朝則有畫徵錄百幅庵畫寄墨香居畫識畫林新詠墨林今話桐陰論畫等編皆紀畫而不紀書若名人法書攷名人尺牘小傳又紀書而不紀畫至藝芳書畫錄式古堂書畫備攷河間書畫錄與夫蜨隱庵書畫綴等編則多詳於遠者而略於近人茲自明季遺老迄今日已故諸家凡所過目者兼書畫識之不復區別庶備一代人文之攷更誌一時眼福之幸

一紀畫諸編首錄

列聖奎藻彼特以畫言茲兼攷及書我

朝

聖聖相承無不

天章炳煥何煩縷及未敢褻登

一書林首望族寓尊王之意馮氏便覽仿其例彭氏彙傳因之茲

歐鉢羅筆畫過目攷

卷一例言

一

取以爲法列宗室王公於編首

一各立小傳先詳字號以及別號晚稱次籍里次科第官階學業梗概撰著諸集摹刻諸帖有關本書之意而已而生平奇節名言未能全錄意在簡要故也

一凡是編皆取其人以書畫傳間有不名書畫而精通其理或鑑藏不爽或攷證無遺要必有過目筆墨者始具錄焉

一凡大家書畫流傳多寡不一是編祇慎擇詳審不肯以僞作屢廁其中亦不能備登所見者

一大家父子兄弟叔姪並世擅名暨子孫克紹師弟相承偶附本傳之末其身紀於後者亦必述其淵源乃攷核非一時並非存軒輊之意耳

一 小傳後紀以卷冊屏幀次便面偶有擇錄款識文字歲月亦出過目時之默記難無隻字之訛幸不因此生疑

一 凡書畫之傳有初年暮年精意隨意之別謬附評隲專就過目者而言不無失當之處真鑑家不必據依此論

一 是編編輯全憑攷核謬誤相承自所不免且編中所紀僅就已意爲斷少有呵好者亦可有目所共賞

一 物理無常得失靡定編中所紀某藏亦就過日時言嗣後見於它處殊不可定但非智取豪奪庶子孫得以久守

一 紀載諸書皆以名媛釋道附後俾有別焉惟匠役女冠優妓不無可傳之人惜過目者少未便另立專門

一 如紅豆樹館書畫記書畫鑑影愛吾廬書畫記多載全文印章

歐鉢羅書畫目

卷一 例言

二

紙絹尺寸題跋彼專紀其所藏茲曰過目效皆出一瞬之見殊難詳錄而家藏者又屬無多若誌兩歧則眉目必紊

一 書家之楹聯最盛於 昭代擬另編楹帖彙攷載及聯語邊款印章是編概予不入

一 是編三次增補約得千家釐爲四卷我 朝二百餘年文治蒸蒸日上宗工哲匠何地無才或沒湮無聞或流傳太少或爵里未悉擬俟續編再補缺漏

一 編輯起自乙丑止於乙未更易數四乃逐年以刪補措詞俚俗次序亦多紊亂本爲置之案頭兀坐遐思如對諸名蹟除知者

之索觀從未輕以示人恐見嗤於大雅

光緒二十三年丁酉初秋虹月船師誌於傳鑑堂 元振謹錄

甌鉢羅室書畫過目攷卷首

通州李玉棻真木編輯

王公宗室目錄

承澤裕親王

慎靖郡王

固山貝子弘昨

質莊親王

成哲親王

岳端

書誠

永忠

甌鉢羅室書畫過目攷

卷首目錄



甌鉢羅室書畫過目攷卷首

通州李玉棻真木編輯

承澤裕親王諱碩塞號霓庵

太宗文皇帝第二子山水得倪黃之三昧花木有陳徐之奧旨工詩古

文連緒齋上公藏有墨松石綾本大橫幅行書款識二行

慎靖郡王諱允禧號紫瑤道人又號春浮居士

聖祖仁皇帝第二十一子山水雅邁倪瓚花木秀逼唐寅詩近晚唐風

流儒雅庇天下知名士易祖栻朱文震館其邸第最久著花間

堂紫瓊崖詩草紀程草阜蔭方向書藏有奉勅畫仿倪黃文

董山水小冊十六葉陳詩庭孝廉藏有仿董源雲山圖立幀余

藏有絹本山莊清曉圖大幀兼用玉鑑王暈法行書七絕一首

甌鉢羅室書畫目攷

卷首

李錯易祖栻詩跋惜薰污過甚北地收藏往往如此

固山貝子諱弘昉字恕齋一字醉迂號一如居士又號瑤華道人

慎靖郡王子山水得董黃之妙諦花木具陳陸之秘傳擅篆隸

工詩詞著恕齋集邵伯英太史藏有設色山水大冊吳子復太

守藏有墨筆仿巨僧山水立幀邊隙金土松劉墉董誥跋增芝

田觀察藏有仿王紱墨山水長幀款署定岡圖尚書余藏有設色

十萬圖大冊如萬斛天香萬峰聳翠萬絲煙柳萬選青錢萬松

揖壽等作古肆見有羣仙祝壽圖花木大幀款書左角下心泉

上人藏有淺絳山水卷張洽董椿吳錫麒三題詠李汪度跋四

行又有仿高克恭設色山水立幀篆書青山白雲圖五字時款

三行聞歸景劍泉閣學矣

質莊親王諱永瑤號九思主人

高宗

純皇帝第六子書法徐浩山水學黃堅花木師陸治著九思堂詩鈔王蓮西通副藏有仿倪黃墨山水直幅行書七絕二首時款

三行曾筮巢侍御藏有臨董宗伯夏木垂陰圖大幀題識四行

高廟御題七絕一首余藏有雙鉤水仙立幀詒晉齋題

五律兩首於詩堂增芝田觀察藏有設色山水大幀鈐有

避暑山莊大璽古肆見有設色山水墨筆花卉小冊十六葉對

幅皆董誥楷書題首二葉

仁廟御題五律一首又設色

玉蘭軒餞春圖立幀純擬王暈又設色山水直冊款書末葉下

角皆奉

勅畫蓋當時府邸多名畫手尋常作不免倩人代也

成哲親王諱永理號少厂又號詒晉齋主人

甌鉢羅書畫目攷

卷首

二

高宗

純皇帝第十一子書法胎息歐陽詢出入羲獻兼趙孟頫流韻中

年擅臨唐宋各家均造極詣篆隸追秦漢通其意寫竹蘭工詩

著聽雨屋詩集刻詒晉齋帖曾筮巢侍御藏有臨各家行楷冊

十八葉阜蔭方向書藏有大楷詠花詩卷則晚年從歐法書家

西園主人藏有和吳穀人七律八首行書卷則融化歐趙又梧

桐錄花小楷臨破邪論序冊附葉梁章鉅小楷跋佛荷汀駕部

藏有大楷歸去來辭大幀福樹之太守藏有絹本楷書大學大

橫幅古肆見有臨晉唐書烏絲冊前六葉印南款後六葉若山

款又花箋行書七律四首卷又眞草篆隸大冊十六葉余藏有

臨米詩札卷又行楷白紙便面冊十葉皆天爵駙馬款家芝階

太守藏有設色山水立幀行書署款陳文述跋識詩堂內

岳端字正子號兼山又號玉池生紅蘭主人安和郡王第十八子  
畫近八大山人詩具天真著玉池生稿張朗山大理藏有墨筆  
芝蘭立幀意似徐天池詒晉齋題二十八字名款共六行

書誠字實之號季和一號子玉又號樗仙輔國將軍長恆子襲封  
奉國將軍寫梅得天趣工詩著靜虛堂集連緒齋上公藏有金  
粟牋墨梅石立幀時款一行左上七絕一首

永忠字良輔一字渠仙號臞仙多羅恭貝勒弘明子襲封輔國將  
軍工梅竹小景著延芬堂集錫子康觀察藏有墨筆枯木竹石  
立幀法式善題二十八字名款一行

歐鉢羅室書畫通目攷

卷首

三

歐鉢羅室書畫過目攷目錄卷一

古潞李玉棻均湖編輯

惲向

王時敏

王猷定

丁雲鵬

鄒之麟

許儀

朱耷

顧苓

劉象先

楊補

陳洪綬字

俞時篤

傅山眉

宋曹

彭行先

宋珏

王時翼

盛丹琳

王鐸

祁身佳

龔鼎孳

萬壽祺

紀映鍾

邵彌

張珂

魯得之

吳偉業暲

孫承澤

程正揆

徐樹丕

查士標何文煊

孫克宏

張宏

丁元公

陳岷

龔賢

歐鉢羅室書畫過目攷

卷一 目錄

胡造

吳宏

薛雪鶴

顧夢游

趙罔

金俊明侃

查繼佐

張學曾

稽廷瑄

文從簡

歸莊

項聖謨玉笥

吳士旦

周荃

顧炎武

湯燕生

王鑑

戴明說

唐禹昭

陳之遴

吳山濤

蕭雲從

孫逸

方以智

冒襄

張弨

徐枋柯

顧見龍

張孝思

李藩陳尹

沈顯

楊涵

戴本孝

汪挺

杜立德

梁清標

王崇簡崇節

呂潛

周亮工在浚

惲格章紳

吳歷王者佐

王翬疇

姜實節

文柟

袁于令

鄭篋

程選

王雲

斌

陳梁

許箕

王撰

朱用純

王武

會張畫  
姜廷幹

朱嵩

畢述宏

黃雲

高士奇

朱彝尊

彝鑑  
稍孫

嚴繩孫

泓會

趙澄

吳之振

項奎

盛遠

諸昇

張在辛

蔡遠

汪野

汪文柏

金造士

赫弈

俞理

徐蘭

范驥

高簡

俞懷

顧昉

毛宗文

顧文淵

徐方

甌鉢羅筆書畫過目攷

卷一

目錄

二

歐鉢羅室書畫過目攷卷一

古潞李玉棻均湖編輯

惲向原名本初字道生號香山江蘇武進人明季舉孝廉方正授中書不就工山水得倪黃之神解著畫旨景劍泉閣學藏有墨山水小卷禿筆細寫形如草篆爲暮年惜墨如金所作家西園主人藏有仿山樵墨山水紙本短幀層巒叢樹氣韻超然其精彩處未肯多讓元季諸家也

王時敏字遜之號煙客又號西廬晚號西田江蘇太倉人錫爵孫王衡子廕生官太常寺卿兵後隱歸村山水得大癡神化爲國朝第一家工篆隸著西田集阜蔭方向書藏有雪景山水紙本小卷篆書歸邨雪霽四字款署擬李晞古關山雪霽圖意識

歐鉢羅室書畫過目攷

卷一

語四行高曠奇情全從力行苦心得來卷首文從簡題歸村雪霽圖查慎行觀款曾筮集侍御藏有墨山水大幀作年八十五歲又淺絳山水大幀畫於康熙壬子秋日晚年精力盡矣胡小琢明府藏有墨山水大幀題云人家在仙掌雲氣欲生衣丙辰夏日畫詩堂內界烏絲阮元跋識款署樂山別駕邊際汪昉跋識心泉上人藏有沒骨山水立幀款署戊寅春日仿李昇法用重色而虛靈益臻神化盧紹堂比部藏有仿郭河陽樹色平遠圖小卷用墨濃厚筆鋒漏骨畢沅跋尾李梅卿比部藏有墨筆溪山勝趣圖長卷行書七絕一首名款共九行八十一歲作卷尾朱彝尊彭孫遜汪士鋐跋識余藏有墨筆仿洪谷子便面詩款己丑夏日太常畫真本特罕此皆紙本如新尤爲難得也

王猷定字子一號珍石江西南昌人明貢生書法李北海擅古文  
甲申後客死西湖著四照堂集景劍泉閣學藏有大行楷五行  
直幀力透紙背如龍搏虎躍不可控御字宙有戴植藏印

丁雲鵬字南羽號聖華居士安徽休寧人工白描爲第一作手供  
奉 內廷景劍泉閣學藏有白描花卉長卷用筆如游絲道勁  
生活名人題詠甚夥惜未記其人又於羊城長壽寺見有大迦  
葉尊者像長幀邊馮敏昌觀款吳榮光小楷敬跋二十行道  
光二十年四月重裝何紹基跋七行記捐贊善士名於邊左

鄒之麟晚名逸麟字臣虎號昧庵又號衣白山人自稱逸老江蘇  
武進人萬曆庚戌進士官吏部主事兵後肆力山水多蓄商周  
古器晉唐名帖以翰墨自娛常花伯上舍藏有墨筆殘冊二葉

歐鉢羅書畫目攷

卷一

二

一仿巨師一摹子久用筆圓健落墨不多卓然大雅世傳其畫  
甚少眞所謂吉光片羽也

許儀字子韶一字歇公號鶴槎又號鶴影子江蘇金匱人明副貢  
生官中書工篆籀花鳥取法宋人窮極工麗著鶴槎詩稿曾笙  
巢侍御藏有桃花翠羽立幀筆意妍雅色澤生活昔人評其畫  
花能香畫鳥能聲此作庶不愧乎

朱奩字個山一字个山號雪個一號雪个故石城府王孫鼎革後  
自號八大山人書畫獨出新奇不拘矩矱濼瓜農孝廉藏有墨  
筆山水花木禽魚大冊十八葉祇可擬以化工耳

顧苓字云美江蘇吳縣人工篆隸精攷證著增影園稿趙搆叔明  
府藏有四行隸書長幀邊石阮元觀款一行

劉象先字今度江蘇上元人草書心泉上人藏有草書綾本大  
幀筆意凝鍊有錐沙之妙

楊補字無補號白補一號古農江蘇長洲人明諸生隱鄧尉山工  
寫梅陳葆珊觀察藏有墨梅大幀款署仿王元章七絕一首

陳洪綬字章侯號老蓮一號蓮子晚號悔遲更號弗遲又號雲門

僧九品蓮臺主者浙江諸暨人明國子生書法道勁山水花木  
無時習人物得古法淵雅靜穆如見古衣冠允爲人物宗工與

崔道母稱南陳北崔心泉上人藏有葛洪移家圖大幀款署丙

戌春盡時寫葛洪移家圖贈有道者翁叔平大司空藏有墨筆  
人物山水花木冊時史氣習洗滌悉盡張樵塾尙書藏有絹本

設色百蝶長卷古肆見有絹本壽者仙人大幀衣褶內皆佛像

甌籬筆書畫目攷

卷一

三

寫如草篆時款戊寅余藏有壽者相立幀如書中之鐵畫銀鈎

也子字字無名號小蓮工花木潘蓮舫太常藏有設色花籃大  
幀僅取穠湛過形板重旣秉家法必有妙本傳焉

俞時篤字企延號近蘇浙江錢唐人明諸生工書程仲立太守藏  
有行楷金牋立幀意在趙董之間

傅山字真山一字青虛號青主一號青竹又號公之宅山西太原

人薦鴻博授中書年已七十餘不就仕工篆隸行草山水蘭竹  
俱具天真註書精醫著霜紅龕集吳子復太守藏有絹本墨竹

蘭大屏八幀楊少初太守藏有墨山水立幀骨格權奇邱壑深

邃乃浸淫卷軸又行楷金箋立幀得晉人意子肩字壽髦號竹

嶺紹家法心泉上人藏有墨松石長幀極筆端之狡獪



宋曹字彬臣一字邠臣號射陵江蘇鹽城人明中書國朝舉山  
林隱逸薦薦鴻博不就試工書張仲庚上舍藏有行書朝鮮牋大  
卷法魯公而筆意飄然自放胸臆

彭行先字務敏一字貽令號竺里江蘇長洲人明貢生國朝授  
知縣不就選書宗晉人孫壽門上舍藏有行楷詩冊雋妙可人  
宋珏字比玉號荔支仙福建莆田人工隸書寫山水能脫氣習會  
笙巢侍御藏有墨山水小卷清而神腴簡而意足隸書七絕一  
首名款一行眞士夫雅構也

王時翼字又溟時敏族弟山水人物變家法盡道勁姿吳子復太  
守藏有弄璋圖絹本大幀近崔青蚓而略工焉

盛丹字伯含江蘇上元人庠昌子山水師子久花木法包山家西  
甌鉢羅筆書畫過目茲

卷一

四

園主人藏有設色仿大癡天台石壁圖大幀氣象雄渾與古有  
會弟琳字林玉得其要旨周苻農少司農藏有墨山水卷意致  
瀟灑有林下風

王鐸字覺斯一字覺之號十樵又號癡僊道人河南孟津人天啟  
壬戌翰林國朝官大學士諡文安書宗晉魏沉宏險勁工花  
木山水竹石皆用書中關鈕錐沙印泥刻擬山園帖潘蓮舫光  
祿藏有草書小卷已勒入海山仙館帖中瑛蘭坡中丞藏有楷  
書便面風味逼人何仲博農部藏有枯木竹石小卷淡致不枯  
生辣而秀款署癸未冬日鐸五字易祖弼跋尾七行

祁豸佳字止祥號雪瓢浙江山陰人天啟丁卯舉人官吏部司務  
鼎革後隱梅市工花卉山水古肆見有設色花卉絹本直幀

龔鼎孳字孝升號芝麓安徽合肥人崇禎戊辰翰林 國朝官刑部尚書謚端毅工詩詞書畫著定山堂集高懿伯駕部藏有小行楷錄舊作詩冊脫去楷習別饒趣旨

萬壽祺字年少號沙門壽慧明志道人江蘇徐州人崇禎庚午舉人甲申後隱吳門工白描人物花卉精篆隸鐫刻著隰西堂內景諸集李梅卿比部藏有白描水仙長卷覓出塵紛殆仙品也景劍泉閣學藏有採芝士女立幀得靜女幽閒之態古肆見有墨山水金箋立幀下筆有風舒雲卷之勢極似唐人風骨

紀映鍾字伯紫一字夔子號慇叟江蘇上元人與龔鼎孳友善僑寓揚州自稱鍾山逸老工書能詩著真冷堂詩稿李伯雨鶴部藏有行楷詩冊模範鍾王自得逸趣蓋由人品孤高也

甌鉢羅筆書過目攷

卷一

五

邵彌字僧彌以字行號瓜疇江蘇長洲人書法褚虞畫宗宋元吳偉業作畫中九友歌紀之甲申後存者王時敏王鑑張學曾及僧彌也瑛蘭坡中丞藏有設色山水便面深得黃子久神奧張樵荃少司農藏有水仙立幀款署洛浦幽芳傲趙子固雙鈞本以雙鈞寫花葉焦墨畫石一段清淑之氣浮動楮間

張珂字玉可號梅雪又號碧山小癡江蘇常熟人山水法子久王翬出其門張朗山大理藏有仿子久設色春林列岫圖絹本卷盡六法之精微工整綿密羅天池跋尾三行

魯得之字孔孫號千巖浙江錢唐人李日華弟子書法歐顏工寫竹晚用左腕范星階明府藏有絹本墨竹大幀風枝露葉有兔起鶻落之勢行書七絕一首時款二行爲中年勁秀筆也

吳偉業字駿公號梅邨江蘇太倉人崇禎辛未榜眼官司業國朝遷祭酒工山水書法坡公與董宗伯王奉常諸畫家友善作畫中九友歌紀之詩名滿區宇著梅邨詩集心泉長老藏有墨山水立幀筆意會萃元諸家別具嫩逸之趣當在思翁煙老之間李檀園程松圓尙有避舍處何況餘子惜爲詩名所掩流傳頗罕長老以余見稱意肯割愛適余祭埽鄉間隔日往索已爲識者攫去交臂之失至今悵快古肆見有絹本設色仿北苑雲山大幀靈石楊氏舊藏雖爲眞蹟油污不堪難入珍秘耳子暉字元朗號西齋康熙戊辰進士官給事中工詩翰著西齋集瑛蘭坡中丞藏有小行楷錄自詩便面頗覺自然大雅

孫承澤字耳伯一字北海號退谷順天大興人崇禎辛未進士官

顧鉢羅筆畫過目攷

卷一

六

給事中 國朝官左都御史鑑定攷證爲第一家著九州山水攷問者軒帖攷庚子銷夏記研山齋集心泉上人藏有小行書懷人詩冊率有別致蓋攷核名家未可以字求之也

程正揆初名葵字端伯號鞠陵又號青溪道人湖北孝感人董其昌弟子崇禎辛未翰林 國朝官工部侍郎書法李北海山水專尙清挺略參石田余藏有設色秋林晚眺圖大幀趨向極高筆意灑落江小雲觀察藏有山水長卷合數段而在一幅氣骨高老純具卷軸膏腴爲暮年所作

徐樹丕字武子號塙東居士江蘇長洲人明諸生工隸楷著中興綱目識心泉上人藏有宋搨雲麾碑有其隸書跋三葉歸馮展雲中丞瑛蘭坡中丞藏有小楷金牋便面純法鍾元常

查士標字二瞻號梅壑因與董其昌同干支自號後乙卯生江蘇海陽人書兼米董山水法元人別具蹊逕著種書堂遺稿余家藏有綾本墨山水大屏十二幀各摹一家清疏淡逸音麓臺謂其畫曰生能由生處致勝益見天資過人心泉上人藏有雲山縹緲圖大卷彙萃北苑南宮筆酣墨飽元氣淋漓張今坡觀察藏有設色山水大幀極似石田弟子何文煒字昭夏號竹坡同邑人增芝田觀察藏有墨竹石大幀亦雅作也

孫克宏字允執號雪居江蘇華亭人承恩子廕生官湖北漢陽知府山水師馬遠花鳥宗趙昌兼工蘭竹吳子復太守藏有設色石竹秋葵子母雞長卷脫胎五代絹素如銀版光潔細膩令人神往心泉上人藏有設色蟾桂圖立幀儼似宋人手筆

甌鉢羅室書畫通旨

卷一

七

張宏字君度號鶴澗江蘇吳縣人山水法北宗極峭勁花鳥師元人多秀麗家西園主人藏有仿焦粲雪篷圖卷慈海上人藏有梧陰清憩圖大幀擬元人靜逸一派張聽庵觀察藏有設色蟾蜍石榴絹本立幀用重色而不滯花葉稠疊各具情致

丁元公字元躬浙江嘉興人工書畫精繆篆晚年爲僧名淨伊字願庵更寫佛心泉上人藏有墨鈎大士像立幀衣褶清挺如草篆余曾擬以供牽百拜末許景劍泉閣學藏有墨蘭石小幀筆意飄然墨采騰發草書題款三行

陳岷字山民江蘇常熟人程嘉燧弟子山水蘭竹得林下風人物尤覺疏雅善琴曲工詩詞張朗山大理藏有墨蘭竹石立幀有元人丰致行書七絕一首時款一行

龔賢字豈賢號半畝一號半千又號野遺晚號柴丈人江蘇崑山人爲金陵八家之一山水宗北苑擅焦墨著畫訣香葉草堂等編家西園主人藏有墨筆江干獨釣圖金騰立幀愈濃厚愈見骨采余藏有墨山水大幀款署一翁社長仿北苑最爲靈傑世傳有墨無筆者概皆贗鼎也

胡造字石公江蘇上元人工詩畫與龔賢爲金陵八家吳子復太守藏有設色菊花小卷長僅三尺盡香豔之妙

吳宏字遠度江西金溪人僑寓上元同爲金陵八家畫宗宋元瑛蘭坡中丞藏有墨山水便面筆意縱橫無瑣屑態

薛雪字生白號一瓢山西太原人文徵明甥家有瑞葉山莊稱埽葉道人又號槐雲道人磨劍道人書法東坡擅竹蘭精醫著埽

甌鉢羅室書畫旨攷

卷一

八

葉山莊集阜蔭方向書藏有臨蘇黃尺牘帖卷筋肉相並孫鱗字壽魚工花鳥增芝田觀察藏有墨松鶴大幀筆意矯矯

顧夢游字與治江蘇上元人明貢生兵後不試工詩古文善行草晚年以書自給章若洲席常藏有行書卷得晉人法手眼俱空

不屑拘於摹擬感時之書往往流露行間也

趙同字洞如江蘇華亭人趙左弟子畫得其傳張子和明府藏有設色山水卷雖多秀色而略形甜熟或非其佳者

金俊明原名袞字孝章一字九章號耿庵晚號不寐道人江蘇吳縣人明諸生寫梅有古意書法二王私諡貞孝先生著春草間

房集心泉上人藏有金牋畫梅冊純法院體粉膩有骨子侃字亦陶號立庵傳其法古肆見有仿趙大年青綠山水立幀

查繼佐字伊璜號東山又號與齋晚號釣叟或隱姓名爲左尹浙  
江海甯人崇禎癸酉舉人甲申後家居極文酒聲伎之樂因吳  
六奇事蔣士銓製雪中人傳奇書法坡公山水宗子久晚年專  
寫梅著釣業詩稿敬修堂集落葉編遠道編先甲後甲集德硯  
香明府藏有綾本墨梅卷瑛寶英和汲修主人三跋家西園主  
人藏有行書尺牘三通梁同書跋三行

張學曾字爾唯號約庵浙江山陰人崇禎癸酉副貢生授中書

國朝官江蘇蘇州知府書法坡公山水宗北苑景劍泉閣學藏  
有設色山水紙本小卷縝密蒼潤具大癡神韻孫爾準跋語極  
矜重瑛蘭坡中丞藏有設色山水便面楷書七絕一首韶秀清  
疏造微入妙幾並廉州

甌鉢羅筆書過目效

卷一

九

褚廷瑄字硯耘浙江嘉興人崇禎癸酉舉人兵後不試工行草書  
唐遂舫上舍藏有臨十七帖綾本卷阮元觀款一行

交從簡字彥可號枕霞老人江蘇長洲人徵明曾孫崇禎癸酉拔  
貢生四舉鄉飲大賓書宗李北海畫承家學余家藏有設色赤  
壁圖小卷水色山光輕靈動目使人欲置身畫裏陳詩庭孝廉  
藏有墨山水金牋便面兼工帶寫作年七十三歲

歸莊初名祚明字元恭號恆軒江蘇崑山人昌世子與顧炎武友

善有歸奇顧怪之目工草書著懸弓集萬古愁傳奇論者稱爲

離騷天問一種手筆古肆見有行草懷人詩綾本立幘筆法道

勁氣味高逸定爲明末人書款署元恭二字鈐以鼎式印章極

古雅而文模糊莫辨或卽其人歟

項聖謨字孔彰號易庵一號子毗又號胥山樵蓮塘居士松濤散  
仙煙雨樓邊釣菴客浙江秀水人元汴孫樹石屋宇與宋人血  
戰山水具元人氣韻花木松竹均有逸致著朗山堂清河草堂  
諸集余藏有紙本紅樹秋山尺幀深邃穠湛純仿宋人不蹈元  
諸家一點一拂小楷題云前年未了傷春事去歲悲秋哭不休  
血淚灑成林葉醉至今難寫一腔愁未署用甲申乙酉事心泉  
上人藏有墨松巨幀深秀淋漓如聞畫裏濤聲款署戊子夏六  
月松濤散仙寫於朗山堂中古肆見有墨筆山水花草大冊八  
葉皆擬元人意又仿馬文璧五松圖大幀子玉筍字雪媚紹其  
傳慈海上人藏有墨蘭石立幀秀發動人

吳士旦字託園浙江海鹽人工書余家藏有綾本行書屏四幀得  
歐鉢羅室書畫過目矣

卷一

十

晉人風味乃祖物流傳竟爲族人所棄物理無常世守之難也  
周荃字靜香號花溪老人江蘇長洲人 大兵南下首先嚮道官  
山東糧道工小楷兼寫山水禽魚能盡物趣古肆見有寸楷心  
經卷得永興意鈴有齊魯觀察印畫本惜未過目焉

顧炎武初名絳字寧人號亭林江蘇崑山人講求經世之學薦授  
兵部主事舉鴻博不就試書法魯公著金石文字記攷古錄韻  
譜等集陶曼生太守曾以紅豆樹館所收顏氏家藏尺牘冊出  
觀有其行楷尺牘數通備所未見不勝欣幸

湯燕生字元翼號巖夫安徽太平人工書擅古文詩賦名振一時  
著商歌集景劍泉閣學藏有小行楷錄自作古文五十篇筆意  
秀勁一氣呵成中間有四行旁改無款識鈴名號印章三方

王鑑字元照一字圖照號湘碧又號染香庵主江蘇太倉人世貞  
孫崇禎癸酉舉人兼祖廕官廣東廉州知府山水深詣董巨家  
富收藏臨摹益萃著染香庵集按湘碧居四王中耕煙麓臺各  
有未逮處誠繼往開來之功業焉余藏有墨筆天香書屋圖紙  
本大幀純仿巨師皴染工細清氣盎然又青綠山水紙本立幀  
近山一抹平列介子點夾葉樹十三株山坳樹隙皆雙鉤文竹  
茆亭一座二鶴立階前款署擬趙鷗波法理庵道兄經訓堂舊  
物景劍泉閣學藏有墨山水紙本長幀款署己卯小春畫於虎  
邱山房領取神韻真能釋躁平矜潘蓮舫光祿藏有麓筆仿巨  
師立幀運筆出鋒點墨皆凸晚造最精時款戊申冬日心泉上  
人藏有微著色山水紙本大幀款署癸卯夏日畫祝元老年親

翁雙壽又墨筆仿雲林立幀意極綿密張樵莖尙書藏有設色  
仿山樵紙本立幀真斬截之作許樸齋太守藏有仿趙大年春  
景絹本立幀柳煙桃浪風景逼真王金珊農部藏有沒骨山水  
紙本小幀款署庚子冬日素老道長兄家西園主人藏有仿洪  
谷子設色紙本大卷疏密奇正純以篆法寫輪廓此等畫耕煙  
有所未逮作年七十四歲畢瀧跋尾又王文治跋張今坡觀察  
藏有設色仿范華原紙本大幀行楷長題時款辛亥亦晚年作  
古肆見有墨筆仿巨僧紙本大卷骨重氣清邱壑深邃無一筆  
無來歷足爲百世法款署乙卯夏日作年七十八歲又墨筆仿  
子久秋林山色圖直幀時款甲寅清和望日家芝階太守藏有  
紙本墨筆摹沈石田仿董源秋山圖長幀時款丙申云云



戴明說字道默號崖聲直隸滄州人崇禎甲戌進士 國朝官禮部尚書山水梅竹宗仲圭家西園主人藏有墨竹大幀雄犢峻偉爲蕉林相國款瑛蘭坡中丞藏有山水水面墨濃不滯筆麓不俗自是馬夏的派後有同邑張賜霄蓋宗之也

唐禹昭字雲客號半園江蘇武進人崇禎丙子舉人工詩畫與惲格爲石交著半園詩鈔心泉上人藏有墨竹石小幀淡逸飄舉胸無些塵筆有妙法世傳其畫罕幾等廣陵散矣

陳之遴字彥升號素庵浙江海甯人崇禎丁丑榜眼 國朝官大學士書近思翁後謫戍釋歸著旋吉堂詩浮雲集家西園主人藏有臨洛神賦長卷爲其淑配紫管夫人書極丰姿秀潤

吳山溥字岱觀號塞翁安徽歙縣人崇禎己卯舉人官陝西同谷知縣被誣去官工詩書畫著塞翁集吳子復太守藏有墨山水

甌鉢室書畫過目攷

卷一

大卷蕭然淡遠深似查二瞻逸品也

蕭雲從字尺木號無悶道人安徽蕪湖人崇禎己卯副貢生山水宗元人間寫花木人物所畫太白樓壁最著名著梅花堂遺稿陳星垣儀部藏有墨山水長卷滿幅純用鈎勒不見墨點清刻雋妙全出性靈書少峰觀察藏有墨筆小冊八葉中有墨柳一葉獅林一角一葉仿子久秋山圖一葉尤推傑作家芝階太守藏有青綠山水紙本長卷其間人物馱馬無數七十歲作自題後湯燕生行書跋一段

孫逸字無逸號疏林安徽蕪湖人畫宗子久與蕭雲從齊名瑛蘭坡中丞藏有墨山水小卷筆意清刻氣味蕭疏

方以智字密之號鹿起安徽桐城人孔炤子崇禎庚辰翰林授檢討博學工詩著通雅堂等集晚年爲僧名宏智字無可號墨厯又號藥地和尙著浮山全集心泉上人藏有墨山水大橫冊一葉純用禿皴不求形似眞白描高手款署戊子冬日一行張樵桀少司農藏有墨筆枯木立石紙本大幀以枯淡之筆而發秀逸之氣行書署款三行是真無上逸品

冒襄字辟疆號巢民一號樸庵江蘇如臯人崇禎壬午副貢生官浙江台州知府未就任家夙豐裕獲交皆名士詩酒自娛書法晉人著同人集水繪園小三吾諸集家西園主人藏有行書金牋冊十葉意近王鐸風味過之余藏有綾本行書懷人詩立幀書味盎然逼眞才子筆也

歐鉢羅筆畫目攷

卷一

七

張昭字力臣號亟齋江蘇山陽人棄諸生以書畫自給精心六書之學顧炎武最爲折服尤擅研究金石著瘞鶴銘辨瑛蘭坡中丞藏有行書便面惜未獲觀畫本也

徐枋字昭法號俟齋一號澗上又號秦餘山人雪牀庵主人江蘇吳縣人崇禎壬午舉人書法二王山水宗荆關兼工花木夙以孝稱著俟齋集居易堂集二十一史文彙潘星齋少宰藏有墨筆深山讀易圖紙本大幀禿筆細皴平遠險易布置深邃家西園主人藏有墨筆羣仙拱壽圖花木大幀用筆古健極有鋒稜弟柯字貫時號東海得其法居二株園爲詩畫會著一老庵集姚仲海農部藏有自寫二株園第二圖卷長約三尺一時題詠凡九段惜出觀時爲俗子敗意僅記末有潘奕雋跋一段

顧見龍字雲程號雲臣江蘇太倉人工人物寫照祇候 內廷周  
蒼生太史藏有文姬歸漢圖絹本大橫幅固非虎頭再生堪與  
十洲割席王蓮西通副藏有絹本祕戲圖大冊界畫工整點綴  
高華純宋院體後葉有龔持老人題詞兩闕津門查氏舊物也  
張孝思字則之號懶逸江蘇丹徒人善書工寫蘭卉精鑑賞家有  
培風閣收藏甚富時以張丑比之心泉上人藏有墨蘭石小卷  
款署沂公發秀逸於胸中攄卷軸於腕下蓋天資也  
李藩字介人江蘇華亭人古肆見有絹本弄璋叶吉圖直幀筆意  
工整而少卷軸氣弟子陳尹字莘野號雲樵同邑人傳其法王  
原祁評其畫云前無實父後無章侯堪入神品馮展雲少司寇  
藏有桃柳鞦韆士女大幀明媚秀麗實出藍也

顧鉢室書畫過目

卷一

六

沈顛字朗倩號石天江蘇吳縣人工山水著枕瓢焚硯諸集心泉  
上人藏有仿倪迂水墨洞天一品圖立幀曹垓題七絕一首  
楊涵字水心山東益都人寫竹入神品王士禛極重之王少廬司  
馬藏有墨竹大冊古勁沖淡自成別派張元麋題識

戴本孝字務旃號鷹阿山樵又號前休子安徽和州人山水法元  
人擅枯筆心泉上人藏有黃山雲海圖小卷山樹模糊意境深  
邃吳子復太守藏有墨山水直冊枯筆高曠當於品外求之楊  
天壁羅天池兩跋

汪挺字無上號爾陶浙江嘉興人崇禎癸未進士官工部主事書  
法率更尤工小楷著會城遺稿瑛蘭坡中丞藏有小楷金牋便  
面心泉上人藏有寸楷幽風詩倭牋冊意極清挺

杜立德字純一順天寶坻人崇禎癸未翰林 國朝官大學士諡  
文端書法魯公韓岳生司訓藏有小楷詩冊絕似麻姑仙壇記  
梁清標字玉立又字棠村號蕉林又號蒼巖直隸眞定人崇禎癸  
未翰林官刑部尙書 國朝官大學士工書收藏甲天下摹勒  
秋碧堂法帖著蕉林詩詞集家西園主人藏有小行楷粉牋冊  
錄詞十一闕秀潤翩翩的富貴人筆

王崇簡字敬哉順天宛平人崇禎癸未翰林 國朝官吏部尙書  
諡文貞山水宗房山著青箱堂集瑛蘭坡中丞藏有墨山水便  
面款署丙申夏日擬方方壺筆似孟老年道兄意極高雅兼得  
北苑墨法弟崇節字玉筠號筠侶以武舉官興州衛守備告休  
以畫供奉 內廷工山水人物禽魚余家藏有絹本人物大幀

甌鉢羅筆畫過百文

卷一

五

隸書題百福駢臻爲奉 勅作筆意妍整乃畫家臺閣體也

呂潛字孔昭號半隱一號石山農四川遂寧人僑寓揚州崇禎癸  
未進士甲申後隱於畫工花卉著懷歸草堂守間堂課耕樓諸  
集卓友蓮太守藏有設色秋花立幀筆意縱橫似林以善

周亮工字元亮號檇園一號減齋河南祥符人崇禎癸未進士

國朝官禮部侍郎工書兼篆隸好古精鑑著讀畫錄印人傳字

觸書影藏彙集結鄰集賴古堂集景劍泉閣學藏有初塌曹全

碑有其行書跋四葉子在浚字雪客官山西太原經歷工隸書

精攻證著藏密庵秋水軒集潛邱小稿花之詞天發神讖碑釋

文攷楊少初太守藏有四行隸書大幀家西園主人藏有行書

倭尺牘一通三十五行有陳希濂收藏印

惲格字壽平以字行更字正叔號南田一號白雲外史雲溪外史東園客巢楓客橫山樵者惲向族子幼年荆梁靈隱寺書法褚登善山水彙萃元諸家超乎象外花卉胎息徐崇嗣爲寫生第一家詩爲昆陵六逸之冠著南田詩草甌香館帖南田畫真本筆端具有仙氣非學者所及余家藏有墨筆水竹幽居圖紙本卷超逸絕塵眞天仙化人也後有王翬水竹幽居詩又有墨筆松風圖立幀石後作雙釣竹數竿景劍泉閣學藏有仿雲林筠石檣散圖卷蕭疏淡遠清氣沁人懷抱又折枝櫻桃紙本立幀有 高廟御覽璽三希堂印心泉上人藏有白紙便面冊十葉人物山水竹石花卉備極精美又設色桃花山鳥紙本立幀飄逸欲仙崇雨舫中丞藏有墨筆三秋圖小幀行書識語五

甌鉢羅畫畫通目攷

卷一

七

行寓懷人意曾筮巢侍御藏有仿松雪秋山深趣圖絹本立幀霜林映帶絢爛奪目家西園主人藏有殘荷聽雨圖絹本短幀墨具五色筆高出紙李梅卿比部藏有設色風林雲岑圖紙本大幀爲石谷尊人雲客先生作行楷七絕一首並跋九行時款癸卯七夕又設色罌粟花絹本大幀行書七絕識語名款五行又臨梅花庵主雙清圖紙本直幀行書題識四行名款一段張樵笠少司農藏有設色山水紙本冊每葉行楷題識匡鶴泉侍郎故物爲南田生平佳製又仿唐六如設色蕉庵圖白紙便面稜骨生秀小楷題識左方弟子章紳字佩玖山陽人得其嫡傳余藏有設色歲朝圖絹本大幀寫牡丹天竹有色有香款識一行王蓮西通副爲 家君書五十誕辰壽屏以此投報

吳歷字漁山號墨井道人江蘇常熟人工山水深詣宋元晚年肆力西法尤精青綠書法坡公善鼓琴跼伏海濱遂棄家焉按墨井畫在六家中僅列煙客次當與湘碧抗行石谷麓臺各有未逮處南田則異曲同工不能軒輊耳心泉上人藏有設色秋林步月圖立幀時款庚申春日又設色秋寺晚鐘圖紙本卷阜蔭方尙書藏有青綠山水紙本大幀以西法兼子久屋宇如畧畫雄傑靈奇不肯寄人籬下時款康熙四十年晚年精力聚於此李梅卿比部藏有微著色山水直幀工整謹飭行書七絕一首款署詩畫寄半園先生曾筮築侍御藏有仿張僧繇翠嶂瑤林圖紙本大幀如錦衣御服氣象堂皇令觀者低徊不去翁叔平大司空藏有墨山水大幀古健沉宏心思獨運張湛如水部藏

有墨山水紙本大冊十葉極臻蒼古卓岷原比部藏有設色金焦圖紙本小幀張樵堃少司農藏有設色山水紙本小幀皆合董巨妙諦古肆見有墨筆松溪書閣紙本大幀時款乙卯年閏五月廿五日行書二行又紙本設色耘業山房圖寬幀陸飛汪恭行書二跋陶曼生太守藏有仿燕文貴設色秋江泛望圖金牋尺幀余藏有仿松雪設色仙居圖便面愈穠湛愈見清刻陳詩庭孝廉藏有墨筆仿江貫道絕壑飛流圖紙本大幀時款乙卯閏五月寫老筆紛披觸手生辣自足俯視諸家也弟子王者佐字師尹同邑人心泉上人藏有設色春江花塢圖絹本大幀筆意近耕煙古肆見有墨筆寫白樂天詩意畫冊十葉王文治跋後九行時款己酉陽生之月

王暈字石谷又字暈樵號耕煙散人一號烏目山人劍門樵客清  
暉老人江蘇常熟人幼從張珂遊師其矩矱復爲王鑑弟子兼  
南北宗以清麗爲主王時敏目爲畫聖以布衣 召見奉

勅畫

南巡聖典圖

萬壽聖典圖摹勒清暉閣董帖接

耕煙畫當時旣多僞託殫心竭力亦多可觀或及門代作須具  
正法眼審之翁海珊中翰藏有設色長江萬里圖卷長約五丈  
王樹羅天池三跋又藏有設色山水絹本長幀中間寫有荷花  
亦奇致悅目家西園主人藏有仿李營邱墨山水大卷作年七  
十七歲王文治跋九行王宸跋四行阮元觀款經訓堂舊物宜  
春宇少司農藏有墨筆寫天游生山居圖紙本直幀時款丙寅  
長至前行書二行惲格題六行連緒齋上公藏有墨筆關山老

甌鉢羅室書畫目笈

卷一

七

木圖紙本寬幀鑪錘在手純法北宗張樵堊尙書藏有設色山  
水絹本長幀坡坵上坐有人二寸許龔侍御翔麟小照邊隙有  
跋識又墨筆仿盧浩然嵩山草堂圖紙本大橫幅用山樵法兼  
鷗波內畫人十一鶴二時款西翁老先生康熙癸酉四月共題  
識九行又設色山水仿宋元絹本長卷辛卯夏日題四行作年  
八十歲王文治題七絕二首款署修堂李佐賢跋識又墨筆仿  
許道寧絹本長卷古肆見有青綠仿荆浩春山行旅圖紙本大  
幀題雲迷古木千章秀山抱晴川一掌平時款康熙歲次甲午  
作年八十三歲余藏有墨筆仿山樵紙本立幀蒼秀濃厚作年  
八十歲子疇字壽田號留耕擅仿趙大年景劍泉閣學藏有設  
色桃源春漲圖絹本卷款署臨董羽筆足謂清麗傳家

姜實節字學在號鶴澗山東萊陽人姜塚子以孝義著工山水仿倪黃著焚餘草古肆見有自寫思親圖紙本大幀李梅卿比部藏有墨山水金牋大冊深厚淋漓無輕率之筆是爲山左作手文柁字端文一字曲轅號漑庵從簡子甲申後棄諸生工書畫著漑庵詩選張子和明府藏有小楷金牋冊十六葉待詔家法袁于令字令昭又字蘊玉號籜庵江蘇吳縣人官湖北荊州知府工隸書精詞曲著西樓記樂府余藏有行書自作小令便面脫去楷習別臻妙趣

鄭蘆字汝器號谷口江蘇上元人宋珏弟子工隸書曹薌溪給諫藏有四行隸書大幀筆力鼎扛師所未逮心泉上人藏有寸隸上元胡貞女事略冊十八葉

甌鉢羅書畫通目

卷一

五

程邃字穆倩號垢區一號垢道人自稱江東布衣安徽歙縣人僑寓揚州工篆隸鐫刻精攷證金石擅山水詩翰余藏有墨山水紙本長幀渴澗筆枯墨規格巨師心泉上人藏有墨山水長卷經訓堂藏畢漣跋家西園主人藏有墨山水立幀以蒼老之筆寫蕭森之境似巨師而兼倪迂又六行隸書大幀古樸動人

王雲字漢藻一字雲庵號清癡一號竹里江蘇高郵人工人物屋宇余家藏有漢苑秋風圖絹本大幀款署石根內分書極小觀者咸稱爲仇實父按雲之父名斌字五寅本寫生家也

陳梁字則梁號浣公一號侖者山翁散木子浙江海鹽人工書晚年爲僧號个亭和尚著菟園命者浣筆池个亭諸集孫小山分轉藏有小行書詩牋四幅極有別趣



許箕字巢友號龐村浙江海甯人居梅里工書著捫膝軒詩鈔譚  
警齋農部藏有行書梓人傳卷極丰神挺秀

王撰字異公號隨庵時敏子畫守法著三餘集余家藏有墨筆  
壺天十二峰圖紙本大幀款署用子久法兼仿房山時年八十  
歲蒼厚腴潤深得乃翁衣鉢瑛蘭坡中丞藏有墨山水便面款  
署八十一翁隨庵戲墨古肆見有青綠仿大癡夏山欲雨圖絹  
本直幀行書七絕一首款署駿公

朱用純字致一號柏廬江蘇崑山人甲申遭亂棄諸生隱居教授  
確守程朱著格言工書家西園主人藏有行書尺牘三通筆意  
秀潤純法二王也

王武字勤中號忘庵又號雪顛道人江蘇吳縣人王鏊六世孫工  
甌鉢羅書畫通且及

卷一

辛

花鳥家西園主人藏有設色梅花大卷盡古豔古香之妙增芝  
田觀察藏有紅梅絹本立幀兄會字鼎中山水宗房山花卉與  
武競爽王金珊農部藏有墨筆仿房山山水立幀武弟子張畫  
字文始號硯山同邑人瑛蘭坡中丞藏有海棠朱雀便面逼真  
能手姜廷幹字綺季浙江餘姚人王蓮西通副藏有設色蜀葵  
梔支立幀直接南田金牲題七律一首名款共五行

朱嵩字中峰浙江山陰人工山水同時王翬長於設色嵩工於用  
墨輩乾溼筆互用嵩專用溼筆余家藏有墨山水立幀參仿北  
苑叔明一渲一染能博渾淪氣象亦非專用水墨也

畢述宏字旣明浙江海鹽人精篆隸著六書通念園草張仰山處  
士藏有臨史晨碑四行大幀

黃雲字仙裳號舊巢江蘇泰州人布衣書宗蘇米著悠然堂桐引樓諸集吳曉瞻司馬藏有小行書樂府長卷脫盡楷習高懿伯鴻部藏有行書綾本立幀筆氣超逸

高士奇字澹人號瓶廬一號江邨 賜號竹窗浙江錢唐人 賜同鴻博官少詹事 晉禮部侍郎諡文恪精攷證爲第一鑑藏家著江邨銷夏錄家西園主人藏有行書尺牘詩牋四通黃易趙懷玉陳希濂張廷濟湯貽汾題跋三葉伊秉綬隸書觀款餘見概皆贗鼎卽舊卷冊題跋亦多倩人代書者也

朱彝尊字錫鬯號竹垞又號曝筋一號金風亭長小長蘆釣魚師浙江秀水人薦鴻博授檢討詩古文詞攷證擅名一代研精經學工分隸著日下舊聞攷曝書亭等集陳詩庭孝廉藏有六行隸書絹牋大幀弟彝鑑字千里工書畫篆刻陳冠生殿撰藏有寸隸書舊作大卷孫稻孫字稼翁薦鴻博隸得家傳著六峰閣詩稿王金珊農部藏有五行隸書大幀款署稼翁二字有六峰閣文恪後裔兩印

甌鉢羅室書畫過目攷

卷一

三

嚴繩孫字蓀友一字冬蓀號秋水又號藕蕩漁人自稱勾吳嚴四江蘇無錫人薦鴻博官中允工山水花卉尤精寫鳳著雨青草堂秋水集唐邃舫上舍藏有墨筆仿北苑山水立幀媽潤疏爽有間逸趣會筆巢侍御藏有墨花卉立幀文人妙筆俗工迥別鶴道人題印章莫辨陳鶴舟明府藏有行書七律大幀有晉人意子泓曾字青梧山水接武家法黃子中農部藏有墨山水絹本立幀款署仿思翁法石上用米點重疊淹潤欲滴逸品也

趙澄一名澂字湛之號雪江安徽徽州人山水兼南北宗兼工寫  
照古肆見有設色山水立幀筆墨謹飭斂才就範頗類耕煙  
吳之振字孟舉號黃葉村農浙江仁和人貢生授中書工書輯宋  
人詩鈔著黃葉村農集陳詩庭孝廉藏有行書詩冊十葉得晉  
人風味劉仙舟齋尹藏有楷書詩冊兼大令永興極爲腴潤  
項奎字子聚號東井又號牆東居士聖謨從子山水宗元人多用  
渴筆工詩著晚盥堂集景泉閣學藏有墨山水小冊八葉皆  
寫香山詩句古肆見有爲吳孟舉作黃葉村莊圖墨筆紙本卷  
布局縝密用意孤高禿而不枯密而不紊宋犖高士奇閻若璩  
等題並吳之振自題以名品索值過鉅未悉所歸

盛遠字子久一字宜山號鶴江浙江嘉興人諸生工書著辦香閣  
甌籛羅書畫目跋

卷一

三

詩鈔瑛蘭坡中丞藏有小行楷便面具挺秀姿

諸昇字日如號曦庵浙江仁和人寫竹專家心泉上人藏有墨竹  
大屏四幀風雨煙雪四景余家藏有竹石絹本大幀尤覺秀勁  
張在辛字卯君一字兔公號柏庭又號子輿山東安邱人鄭篋弟  
子優貢生工書畫篆隸李梅卿比部藏有臨漢鏡銘四行大幀  
又臨史晨碑三行屏四幀純尙古拙力透紙背

蔡遠字天涯一字徵涯號月遠又號紫渭山人福建汀州人山水  
私淑王翬牛馬不遜楊晉楊少初太守藏有設色仿李營邱秋  
樹圖大幀直與耕煙血戰周杏農少司農藏有仿李公麟仙山  
樓閣圖大卷興酣意遠獨擅精研王蓮西通副藏有墨筆仿劉  
完庵溪山倚權圖大幀楊西亭恐所不逮戴培之藏

汪野字笠間號荔幢一號煙蘿江蘇長洲人工山水善摹子久與王暈同時並名景劍泉閣學藏有紙本墨山水立幀蒼潤疏古瑛蘭坡中丞藏有墨筆金牋便面皴擦纖雅

汪文柏字季青號柯庭一號柯亭浙江桐鄉人官兵馬司正指揮工詩書畫精鑑定築古香樓藏書甚富著柯庭餘習家西園主人藏有墨桃花立幀題柳梢青一闕名款一行亦頗精雅

金造士字民譽號就隱江蘇嘉定人吳歷友畫如一手陶峻厓農部藏有墨山水立幀寫浣花詩句規格似巨師渾融道鍊張樵堯少司農藏有設色仿王叔明靜深秋曉圖大幀穠湛深秀幾並墨井時款丁丑五月另署云旣得此圖以示魏文賢甥意欲得之因而相贈心泉上人藏有墨筆霜柯圖立幀亦極秀雅

甌鉢羅書畫目攷

卷一

畫

赫奕一名赫頤字澹士號南谷又號碧巖蕭史滿洲正白旗人官工部尚書山水宗宋元瑛蘭坡中丞藏有設色摹各家山水紙本冊渾厚縝密幾與煙客無異中有仿李竹嬾倪雲林其高逸尤不可嚮爾阮元跋半葉伊秉綬隸書觀款一行

俞璉原名璟字企塘一字是齋號更生江蘇無錫人工人物樹石取法元人著論畫瑣言題畫瑣言瑛蘭坡中丞藏有墨山水金牋便面氣骨高逸有項孔彰意

徐蘭字芳若號芝仙順天通州人工花卉從安郡王出塞著出塞圖詩芝仙書屋集余家藏有設色海棠丁香紙本立幀窮極生動不徒以敷染見長每當春季懸諸壁間與瓶中所插二花掩映爭妍當時好遠遊所作皆散帙四方至今搜求不易

范驤字文白號默庵浙江海甯人諸生工書增芝田觀察藏有臨  
褚書蘭亭倭牋卷飄逸得勢

高簡字澹游號旅雲一號一雲山人江蘇吳縣人山水宗宋元工  
詩濮南如明府藏有設色仿元人梅花書屋圖絹本大幀局度  
縝密惜幅頭過大妄得有此廣廈哉

余懷字無懷號澹心又號鬢持老人福建莆田人工書精詩詞儻  
寓白下徵歌選曲至老不倦著板橋雜記味外軒稿古肆見有  
無款士女立幀有其行書題南北曲三十行亦小照之屬

顧昉字日方一字元始號若周又號晚臯一號耕雲江蘇上海人  
工山水初客京師適王暈恭繪 南巡盛典圖得窺其秘遂

益精進景劍泉閣學藏有墨筆仿大癡山橋曳杖圖卷清潤幽

歐鉢羅室書畫通目攷

卷一

十四

深張子和比部藏有仿關仝設色山水立幀儼合石谷法度

毛宗文字建平號半山又號臯亭浙江錢唐人工楷書著扶雅堂  
詩集古肆見有楷書雜詩絹本冊豐秀似王雅宜聞歸王竹吾  
司馬物聚所好固亦無憾矣

顧文淵字文寧號湘源一號雪坡又號海粟居士江蘇常熟人工  
山水花木與王鑑遊六法益精因與王暈形似改寫竹妙善補  
以泉石景劍泉閣學藏有幽篁怪石絹本立幀直逼柯敬仲

徐方字允平號鐵山一號亦舟江蘇常熟人山水以清麗遜王暈  
改畫馬特臻神妙周苻農少司農藏有設色春郊試馬圖絹本  
卷筆意雖平迥非耕煙蹊逕益見昔人之立志也

歐鉢羅室書畫通目攷卷一終

長白景彤星階校訂

